

Saksprotokoll i fylkestinget - 12. og 13.06.2018

Sara Hamre Sekkingstad, Sp, sette på vegner av Sp, SV, A og KrF fram slikt forslag:

«Alternativ:

Punkt 3

Fylkestinget ber fylkesrådmannen vurdere konkrete tiltak som kan bidra til å oppnå innsatsområda i planen og ber fylkesrådmannen presentere forslag til tiltak i ei politisk sak.»

Geir Angeltveit, V, sette fram slikt forslag A:

«Tillegg:

Nytt punkt

Fylkestinget ønsker desse endringane i temaplan for landbruk.

a.

- Primært: Endra indikator på innsatsområde (s.24) frå «kjøt» til «grønsaker».
- Sekundært: Endra indikator på innsatsområde (s.24) til «Auke i produksjon av frukt, grønnsaker, berekraftig kjøt, og skog. Auke i leveringsgraden for mjølk i Hordaland. Auke i talet på landbruksverksemder.»

Geir Angeltveit, V, sette fram slikt forslag B:

«Tillegg:

Nytt punkt

Ved neste rullering skal følgjande tema takast inn i planen:

- Folkehelsa må inn som innsatsområde
- Utfordringar med monokultur artsmangfald
- Potensiale for bruk av berekraftig nors forproduksjon (frå t.d. havnæringa)»

Iiril Schau Johansen, H, sette fram slikt forslag:

«Tillegg:

Tillegg etter siste setning på side 10:

«I tilfelle der eigar ikkje driv jorda sjølv, og ynskjer å selje til leigetakar som tilleggsgjord, bør det leggst til rette for at den som faktisk driv landbruksjorda, får høve til å eige framfor å leige jorda han driv, i tråd med jordlova.»»

Tom Sverre Tomren, MDG, sette fram slikt forslag:

«Tillegg:

Punkt 1

Fylkestinget vil likevel komme med tillegg:

- a. Fylkestinget understreker at klimaplanen skal være overordnet andre planer, inklusiv landsbruksplanen. Dette må komme tydeligere fram i planen.
- b. Det skal komme tydelig fram i planen at fylkeskommunen er oppmerksom på at sitkagran og ein del andre treslag kan utgjøre en trussel mot biologisk mangfold. Regjeringa er i ferd med å

utrede problemstillingen og planen må justeres og oppdateres når utredningsarbeidet er gjennomført.

- c. Planen skal inneholde en formulering om at Hordaland fylkeskommune vil oppmode til større bruk av eige produsert fôr og mindre bruk av kraftfôr og importert soya.
- e. Ved framtidige rullinger av planen skal "Dyrevelferd" omtales som et eget og viktig tema.»

Geir Angeltveit, V, sette fram slikt forslag C:

«Tillegg:

Nytt punkt

Det må utarbeidast ein handlingsplan for innsatsområda i temaplan for landbruk. Lagt fram til politisk handsaming.»

Gustav Bahus, Frp, sette på vegner av Frp fram slikt oversendingsforslag til fylkesrådmannen:

«I Hordaland har forskjellige planverk sett strenge rammer for arealbruk samtidig som jordvern i regionsentra er svekka. Difor vil det vera nyttig å inkludera urbant landbruk i planen.

Temaplanen må leggja større vekt på miljøproblema plast og mikroplast skaper i husdyrhaldet.

Temaplanen må understreka vanskane dei nye reglane om ikkje å få byggja hus nr 2 på garden utgjør for å halda drift på garden ved generasjonsskifte.

Temaplanen seier svært lite eller ingenting om satsing på skogbruk og hogst av hogstmoden skog særleg på vestlandet. Det er inga beskriving av den naudsynte satsinga på infrastruktur som skogsbilveggar, velteplassar, utskipningskaiar og tilknytning til offentleg vegnett. Planen må ta opp i seg utfordringane KIP-kjøyring og mangelen på flaskehalsutbetringar gjer for skogbruksnæringa og miljøet. Sitkagrana har vore ein viktig ressurs i norsk skogbruk og byggeverksemd i etterkrigsåra. Den står òg for ein stor del av naturleg CO₂-fangst, men grana kan vera ein trugsel mot biologisk mangfald, spesielt rik lauvskog, som også er naturleg for våre områder. Dette bør bli omtalt i planen der ein diskuterer skogbruk.

Temaplanen må leggja større vekt på alternativ- og tilleggsdrift som til dømes:

- Inn på tunet
- Gardsmatsal/butikk
- Natur og jakt/fiske-opplevingar
- Generell utleigeverksemd

Temaplanen må styrkjast med eit eige kapittel om dyrevelferd.

Det er positivt at klimarekneskap er med i temaplanen.»

Røysting

Innstillinga punkt 1 vart samrøystes vedteken.

Tomren sitt forslag punkt a) fekk 10 røyster (MDG, SV, V, R) og fall.

Tomren sitt forslag punkt b) fekk 17 røyster (MDG, SV, V, R, Frp) og fall.

Tomren sitt forslag punkt c) fekk 17 røyster (MDG, SV, V, R, Frp) og fall.

Tomren sitt forslag punkt e) fekk 17 røyster (MDG, SV, V, R, Frp) og fall.

Innstillinga punkt 2 vart samrøystes vedteken.

Sekkingstad sitt forslag vart vedteke med 51 røyster (A, KrF, Sp, SV, R, Frp, H) mot 6 røyster (V, MDG) for innstillinga punkt 3.

Innstillinga punkt 4 vart samrøystes vedteken.

Johansen sitt forslag fekk 30 røyster (H, Frp, Sp, SV, R, MDG) og vart vedteke.

Angeltveit sitt forslag A primært fekk 6 røyster (V, MDG) og fall.

Angeltveit sitt forslag A sekundært fekk 10 røyster (V, MDG, R, SV) og fall.

Angeltveit sitt forslag B sekundært fekk 22 røyster (V, MDG, R, SV, H) og fall.

Angeltveit sitt forslag C sekundært fekk 10 røyster (V, MDG, R, SV) og fall.

Bahus sitt forslag vart samrøystes vedteke oversendt på vegner av forslagsstillaren utan realitetsbehandling.

Vedtak

1. Fylkestinget vedtek «Temaplan for landbruk i Hordaland 2018-2022» med tilrådde endringar slik det kjem fram av saksframlegget og ber om at fylkesrådmannen set i verk arbeidet med innsatsområda.
2. Fylkesrådmannen får fullmakt til å gjere språklege endringar, samt rett opp og oppdatere tal og statistikk i tekst og figurar/tabellar.
3. Fylkestinget ber fylkesrådmannen vurdere konkrete tiltak som kan bidra til å oppnå innsatsområda i planen og ber fylkesrådmannen presentere forslag til tiltak i ei politisk sak.
4. For å sikre god rekruttering og gode arbeidsforhold i landbruket er det også viktig å jobbe mot sosial dumping.
5. Tillegg etter siste setning på side 10:
«I tilfelle der eigar ikkje driv jorda sjølv, og ynskjer å selje til leigetakar som tilleggsjord, bør det leggest til rette for at den som faktisk driv landbruksjorda, får høve til å eige framfor å leige jorda han driv, i tråd med jordlova.»